

ANDERS VALENTINER-BRANTH
ADVOKAT

FREDERIKSBERGGADE 16 1459
KØBENHAVN K

TEL +45 33 11 45 45 FAX +45 33
11 80 81

AVB@NNLAW.DK

23. MAJ 2016 REF. 65.776

**Kommunimi isumaginninnermi malittarisassanik
atorunnaarsitsisinnaaneq pillugu Inatsisartut inatsisissattut
siunnersuut pillugu**

allakkiaq.

1. AALLAQAASIINEQ

Kommuneqarfik Sermersuumit inatsisissatut siunnersuut una pigineqartoq pillugu nalilersueqqulluta qinnuigineqarsimavugut.

Tassunga tunngatillugu Kalaallit Nunaanni inatsisit sukumiinerusumik misissussanngikkivut aamma inatsisissatut siunnersuummi immikkoortut pingaarnerit qitiutissagivut, ingammik uatsinnut eqqarsarnartitsisut, kommunimi sulisunik isumaqatigiissuteqarnikuuvugut.

2. EQIKKAANEQ

Suliassami atorunnaarsitsinermut tunngasumi kommune illuaʼtungiliuttut aamma tassunga tunngatillugu kommune tusarniaaffigineqartussaasoq tunngavilersuuteqartussaasorlu naliliivugut. Ilanngullugu kommunip kissaatigaa taamatut aalajangiisoqartillugu eqqartuussivinni misiliisoqassappat inatsisitigut pisariaqartumik suliakkiissuteqarsinnaanissaq.

Taamaalilluni atorunnaarsitsineq pillugu aalajangerneq kommunimit eqqartuussivimmi aalajangiiffigitissallugu periarfissaqartoqassaaq aamma tamatuma annertuumik pinissaa siuluttuutigisinnaavarput, tassami inatsisit taamatut oqaaseqatigiilliorneqarsimmata.

Taamaalilluta inatsisissatut siunnersuummi matumani arlalinnik eqqarsarnartortaartoq tamannalu aamma annertuumik allanngortinneqartariaqartoq naliliivugut, tamanna pillugu immikkoortoq 4-mi oqaaserineqartut takukkit,

Immikkoortuni 5-imi aamma 6-imi inuit aqutsisullu paasissutissaataat pillugit inatsisitigut suliassat unammillernartut arlallit uparuarpavut, tamakkulu naliliinerput malillugu aamma inatsisissatut siunnersuut taamatut itsillugu suliassaassapput ajornakusoortorujussuit.

Immikkoortut arfineq-aappaanni assersuutigalugu Danmarkimi aaqqiissutit ingerlalluartut assersuutitut tikkuarpavut, tamatumani pissutsit qanoq ittuunerat malillugu naalagaaffik assersuutigalugu isumaginninnermi pilersaarusiortarnermilu suliassaqarfinni eqqartuussivimmi suliarinniffiusumi siullermi aalajangiititsinissaminut periarfissaqarpoq.

Aamma atorunnaarsitsineq (call in), suliassat pineqartut aalajangiiffigineqarnissaannut piareersarlugit kommune Naalakkersuisunut annertumik ikiuttussaananerik ilagaanni atorunnaarsitsinissamik periutsimit siunnersuutigineqartumit atussallugu orniginarnerujussuuvoq.

Naliliinerput malillugu atorunnaarsitsineq – tamatuma Naalakkersuisut naliliilluareerlutik aalajangiisinnaatitaanerit kommunimit tigusinnaavaat – anguniagassanik allaaserineqartut malillugit inatsimmi tassani siunertarineqartut angunissaannut atorneqarsinnaavoq, soorluttaaq inatsisissatut siunnersuut akerlerinanginnerusoq pineqalerumaartoq. Periutsimi tassani iluaqutissaq alla tassaavoq suliassaqarfimmi tassani aporaassinnaanerit ikinnerujussuussapput, soorluttaaq inatsisissatut siunnersuummut matumunnga sanilliullugit immikkoortuni 5 aamma 6-imi allaaserineqartunut aqutsisut inuillu paasissutissaataat pillugit inatsisitigut taamatut unammillernartunik suliassaqaassanngitsoq.

Tullinguuttut aamma siunnersuutigivavut:

Inatsisissatutsiunnersuutpillugu piareersarluni sulinermi kommunimi piginnaatitaaffinnik atorunnaarsitsineq pillugu suliassami kommunit ataasiakkaat illua'tungiliuttut tusarniaaffigineqartussartussasut aamma taamatut aalajangerit kommunimit eqqartuussivimmi misiliinissaminut pisinnaatitaaffeqarneq erseqqissassagissi siunnersuutigaarput, taamaalillutik pissutsit qanoq ittuunerat naapertorlugu suliassat taamatut ittut kommunip aalajangiinerit taamatut ittut eqqartuussivimmi aalajangiiffigitissinnaanerit pillugu akerliussutinit kinguarsarneqartariaarullugit.

Inatsisissatut siunnersuummi §7, imm. 1 peerneqassasoq suinnersuutigaarput. Suliani isumaginninnermut tunngasuni erseqqissumik pineqartuni Naalakkersuisut aalajangiinissartik kissaatigippassuk, piumasaqaatigineqartariaqarpoq, Naalakkersuisut aamma sulianut ataasiakkaanut ersarissumik immikkoortillugillu isummertarnissaat.

Inatsisissatut siunnersuummi oqaasertaliunneqartut malittarisassani paasissutissanut, suliarinneqqaarnerni takuneqarsinnaasunut naapertuuttuunissaa siunnersuutigineqarpoq.

Isumaginninnermiksuliassaqarfimmisuliamik Danmarkimi suliami avatangiisinut ministeriaqarfimmi suliassaqarfiusumi naammassilerluni suliarineqartumit isummorsorluni Naalakkersuisut inatsisitigut anguniagassiissasut siunnersuutigaarput, taamaalilluni tamanna tunngavigalugu kommunit isumaginninnermi qaqugukkut iliuseqartussaataitanerat aamma taamatut iliuseqartussaataitanerup arsaarinnissutigineqariataalinnginnerani qanoq pisoqassasoq – aamma taamaalilluni malittarisassani

ataqatigiissoqalerluni – aamma kommunini malittarisassat assigiinngitsut imminnut sunniivigeqatigiinnerat nassuiarniarlugu kommunimi nukiit pingaarutillit atorneqannginniassammata ersarinnerusumik allaaserineqarsinnaaniassammat.

Kommuneinatsisunik unioqqutitsisimappat, inatsisip inaarutaasunik akuerineqannginnerani, atorunnaarsitsineq kisimi pineqarnerisq ersarissumik isummertoqassasoq siunnersuutigaput.

3. ANNERTOORUJUSSUARMIK AKULIUNNIKKUT AALAJANGIINEQ PINEQARPOQ AAMMA AALAJANGERNERMUT SANILLIULLUGU KOMMUNE ARLALINNIK PISINNAATITAAFFEQARTITERPOQ

Oqartussaaffeqarfiup naammagittaalliortup aalajangiiffigineqarnini eqqartuussivimmi misilitsippagu eqqartuussivimmi oqartussaaffeqarfiit siulliit nalinginnaasunik illua'tungiliuttuuneq ajortut aalajangiusimaneqarpoq. Nalinginnaasunik kommune aamma oqartussaaffeqarfimmut kommuni pillugu aalajangiinernik allannguisimasumut eqqartuussivikkut suliassanngortitsisinnaangilaq.

Kommunimili isumaginninnermut malittarisassanik aqutsinermik atorunnaarsitsinissamut inatsisitigut tunngavissaqarluni aalajangerneq aalajangiinertut kommunimut attorneqartumut aalajangiineruvoq taamaattumillu tamatumani kommune illua'tungiliuttuuvog.

Kommune Naalakkersuisut naliliinerat malillugu suliassaninik sularinnissinnaanngippat aatsaat taamatut aalajangiisoqarsinnaanera ilanngunneqassaaq aamma Naalakkersuisut atorunnaarsitsineranni aningaasartuutit tamarmik kommunimit akilerneqassapput. Assersuutigalugu U 2008.422 innersuusutigineqarsinnaavoq (aningaasaateqarfimmik misissueqqissaarinissamik aalajangerneq suliami najoqqutassatut taamaallaat aalajangiinerusoq, tassami misissueqqissaarineq aningaasaateqarfimmit akilerneqartussaammat taamaalillunilu tamanna inatsisitigut sunniuteqartoq), U 2008.636 (ilinniartitsisoq kommunimi ataatsimi atuarfimmit atuarfimmut allamut nuunneqarnissaanik aalajangerneq ingerlatsineq pillugu inatsit naapertorlugu aalajangerneruvoq, tassami aalajangerneq ilinniartitsisup arlalitsigut suleqatigikkuminaanneranik isornartorsiunerummat) aamma (2014.2825 (tamatumani kommunimi suliffissaqartitsiniarluni suliniutinik arlalinnik aaqqissuisimaneranik isornartorsiuneq tunngavigalugu kommunip utertoortit utertittussaagai naalagaaffimmi aalajangerneqarpoq. Pisortat ingerlatsinerat pillugu inatsit malillugu aalajangernerusoq aamma aalajangernermi tassani kommune illua'tungiliuttuusoq tunngavigineqarput).

Aamma eqqartuussissuserisoq Karsten Hagel-Sørensen allakkiami quppernermi 28-mi 2016-imi marsip ulluisa 29-anneersumi imatut allappoq

"Kommunimi ingerlatsinermik atorunnaarsitsinissamik aalajangerneq annertoorujussuarmik iliuusaammat taamatut aalajangernerup tamakkiisumik tunngavilersorneqarnissaa pingaaruteqarpoq. Danmarkimi malittarisassat malillugit, tassa imaappoq pisortat ingerlatsinerannut inatsit, kommunimit oqaaseqaatinik pissarsiniaqqaarnissaaq pisariaqarpoq, tamatumani kommunimit atorunnaarsitsinissamik eqqarsaatersuutigineqartoq pillugu isornartorsiunerimut isummernissaminut periarfissaqartussaavoq."

Danmarkimi pisortat ingerlatsinerannut inatsit naapertorlugu pisortallu aqutsinerat pillugu inatsit atorlugu aalajangiisoqassatillugu aamma suliasami kommune illua'tungiliuttut isigineqartillugu suliasani kommunimit oqaaseqaatinik pissarsiniarnissaq taamaallaat pisinnaatitaaffiuvoq. Taamaattumik atorunnaarsitsineq pillugu aalajangeeriataarsinnaanermi kommune illua'tungiliuttuussasoq isumaqatigiissutigineqartoq aallaaviusinnaavoq.

Kisiannili tusarniaassummut akissuteqaammi 2016-imi apriliip ulluisa aqqarnanneersumi kommunimit apeqqut imatut akineqartoq oqaatigineqassaaq:

"§ 7a pillugu Imm. 1-imut

Kommunimi ingerlatsisinnaatitaanermi allannguinerit pillugit oqaaseq "aalajangiivoq" atorneqarpoq. Tamanna paatsoornarpoq, tassami suliasani inatsit naapertorlugit suliarineqartuni kommune illua'tungiliuttuunngilaq taamaattumillu kommunimut tunngatillugu kingusinnerusukkut kommune illua'tungiliuttussaataitaaneranik aqqissuussinertalimmik aalajangiisoqarsinnaangilaq.

Taarsiullugu oqaaseq "aalajangerpoq" atorneqassaaq.

Akissutit

Tamanna allanngortinneqarpoq."

Taamaattorli pissutsit nalinginnaasut, tamatumani kommune siullertut oqartussaaffiutillugu aamma kommune annertoorujussuarmik aalajangiiffigineqarsimanerata akornanni misissuisoqassaaq. Tamanna soorunalimi aamma taamatut aalajangiisinnaanermut tunngavissaqartillugu eqqortuusorinartumik kommune sakkortuumik isornartorsiorneqarsimappat atuutissaaq. Aamma aalajangiinerup kommunimut aningaasartuutaasorujussuuneranik kinguneqartussaanera illuinnaasiorneruvoq, tassami inatsisissatut siunnersuutip malitsigisaanik Naalakkersuisut atorunnaarsitsinermi aningaasartuutigisimasai tamaasa kommunimit akilerneqartussaammata.

Taamaattorli atorunnaarsitsinissamik aalajangerneq pisortat aqutsinerannik inatsisitigut aalajangernerusoq tunngavigineqarpoq, aamma kommune suliasami pineqartumi illua'tungiliuttuussaaq, soorluttaaq taamatut aalajangernerit eqqartuussivimmi kommune misiliilluni aalajangiisitsinissamat inatsisitigut pisariaqartinneqartumik soqutiginnittuunera tunngavigineqarsinnaasoq.

Kommune pineqartoq taamatut apequteqaatigisimani misissuinissaq tamanna takkuitsoorsimappagu tamatuma malitsigisaanik tusarniaassummut akissuteqaatip ilaani oqaaseqatigiiliorsimasut malittarisassat ilisimasimassanngilaat imaluunniit inatsisinik unioqqutitsinaveersaartitsinissanik piunasaqaatit uagut isumarput malillugu kukkusumik nassuiarsimagunarpaat, soorlu kommunip taamatut inissisimamera pillugu, tamannalu pissutaalluni aamma inatsisip nutaap atortinneqalernerani ajornartorsiortoqartarumaarpoq.

Matumani kommunimik aporaattoqarsimatillugu naalagaaffimmi oqartussaasut ilaanneeriarlutik "sakkortuumik nalunaaruteqarsinnaasartut" aamma tassunga tunngatillugu kommunimi aallaqqaammut sakkortuallaamik nalunaaruteqarsinnaasimanerup eqqartuussivimmi misilinnissaanut kommune inatsisitigut periarfissaqarpat angusat eqqortut ajornannginnerusumik anguneqarsinnaasut takuneqarsinnaavoq. Aammali oqartussaasut aallaqqaammulli sakkortuallaamik nalunaaruteqartarnitik aalajangiusimaannartarnerannik aamma taamatut nalunaarutip kingusinnerusukkut eqqartuussivinni allanngortinneqarsimanerani assersuutissaqartiterpoq.

U 2016.1805 H inatsimmi tunuliaqutaasumili malittarisassat pillugit aporaannerni oqartussaasut qanoq pissusilersorsinnaanerannik isummertoqareersimanerani assersuutitsialammik peqartoqarpoq. Suliassami paasiuminaatsumi tassani naalagaaffimmi Pilersuinnermut allatseqarfimmi sulisut akiliisarnermut inatsimmik kukkusumik kommunimi nassuiaasoqarsimasorigamikku kommune 100 millionilikkuutaanik piunasaqaateqarput, tamannalu kommunimit akerlerineqarpoq. Kisiannili naalagaaffiup eqqartuussuserisuanit ikiorteqarlutik Pilersuinnermut allatseqarfimmiut piunasaqaatitik aalajangiusimavaat, naak suliassaq kommunip nunap eqqartuussiviani ajugaassutigigaluaraa. Højesteret-imi eqqartuussisut arfineq-marluk suliassaq kommunip ajugaassutigissagaa isumaqarput, tassami suliassami pineqartumi inatsit pineqartoq aallaqqaammulli naalagaaffimmi kukkusumik nassuiarneqarsimammat. Højesteret-imi eqqartuussutit allat tassunga assingusut assersuutigineqarsinnaapput, tamatumani naalagaaffimmi inatsimmik kukkusumik nassuiaaneq kommunimi itigartitsissutigineqarpoq ajugaassutigineqarlunilu, tassa U 2010.2810 H (nassiussanik inaalitsivik pillugu akitsuutinik akileeqqusinissamut inatsimmi tunngavissaq) aamma U 2012.2055 H (kommunip isikkamik arsaattarfiup titarnerinik titartuisussaataitanera) innersuussutigineqarsinnaapput.

Aamma naalagaaffimmi nakkutilliaratornermi taamatut kukkusoqarsimanerani assersuutissarpassuaqarpoq, tamakkunani naalagaaffimmi aalajangernerit atorsinnaannginnerarlugit aalajangertoqartarsimavoq tamannalu ilutugalugu naalagaaffik taarsiisussanngortinneqartarsimalluni.

Tamatumunnga U 2003.770 Ø-mi eqqartuussummi toqunartortalinnik naggorissaatitaqanngitsumik nunaleraluni tunisassiornissamut akuersissummik utertitsinermit tunngasumi assersuutissaqartoqarpoq. Utertitsinissaq pillugu aalajangerneq nunaatilimmut minutsit 15-it missaannaanni takuniaasinnarluni aamma nunaatilimmut tassungarpiaq pissutsit immikkut ittut pillugit aperiffiunngitsumi, tassunga ilanngullugu atorfilittap uumasuusiviup natiani sioqqat siammartikkat suunersut sianigisimanngilai, aamma

uuttortaaffiusimangitsoq assersuutitsialaasinnaavoq. Tamanna tunngavigalugu akuersissummik utertitsineq pissutsit isornartorujussuit atorlugit pisimamera nunap eqqartuussiviani nalilerneqarpoq aamma taamaattumik aalajangerneq atorsinnaangitsutut naalagaaffillu taarsiisussaataitasutut isigineqarpoq.

Kalaallit Nunaanni kommunini isumaginnittoqarfimmut takuniaalluni pulaartoqarsinnaanera aamma takorluunngitsuugassanngilaq, tamatumami assersuutigalugu danskeq inatsisilerituunngoqqaq misilittaqaanngitsorlu najukkami pissutsinik, periutsinik il.il. immikkut ilismasaqaanngitsumik pulaartoqarneq pineqarpoq, tamatumalu kingorna takuniaalluni pulaarneq ilumut eqqortuunersoq oqallissutaasinnaavoq. Taamaattumik tassunga tunngatillugu pissutsillu qanoq ittuunerat apeqqutaatillugit atorunnaarsitsineq pillugu aalajangerneq eqqarsaatigalugu taamatut pulaarnerup aallaavigisaanik kommunimi eqqartuussivimmut suliaannngortitsissutigalugu misiliisinnaaneq atorluarneqarsinnaavoq.

Inatsimmulli nassuiaatini ilatigut tullinnguuttumik imatut eqqartuisoqarpoq:

"Siunnersuummi Naalakkersuisut atorunnaarsitsineq pillugu aalajangerneranik kommunip misiliilluni eqqartuussivimmi suliaannngortitsisinnaanera isummerfigineqaanngilaq imaluunniit aalajangiiniartoqaanngilaq. Isumaginninnermili malittarisassanik malinnissamut qulakkeerinninnissaq eqqarsaatigalugu eqqartuussivimmi suliaakkiissutigineqarsinnaasoq kingumoortumik atuutilersinneqassanngilaq."

Taamatut allanguinermut isumaqataalluinnarpugut, tamatumalu kingorna kingumoortumik sunniteqalersitsinissamik apeqqut tamanna pillugu inatsisit tunngaviummik malillugit aalajangiiffineqassaaq taamaalillunilu inatsimmi apeqqummik taassuminnga tigussaasumik aalajangersaaniartoqaanngilaq. Assersuutigalugu Naalakkersuisut kommunimi soqutigineqartorujussuaq pillugu inatsisinik unioqqutitsillutik aalajangiippata, tamatumalu saniatigut innuttaasut inuunerannut pingaaruteqartorujussuarmik, paasinnittaaserput naapertorlugu tassunga tunngatillugu suliaannngortitsissamut suliaakkiisoqarnerani pissutsit qanoq ittuunerat naapertorlugit kingumoortumik atuuttussanngortitsisoqarsinnaavoq.

Akerlianilliinatsisissatut siunnersuummikmatuminnga piareersarluni suliaqarnermi suliaannngortitsissamut piginnaatitaaffinik atorunnaarsitsinissamut tunngasuni kommunip ataasiakkaat illua tungiliuttuusussaasut aamma taamatut aalajangerneq kommunimit eqqartuussivimmi misilinneqarsinnaatitaasoq ersarissarneqassasut siunnersuutigaarput, taamaalilluni pissutsit qanoq ittuunerat naapertorlugu suliaannngortitsissamut pisariaqartinneqartut kommunip aalajangiinerit taamatut ittut eqqartuussivimmi misilillugu suliaannngortitsisinnaanera pillugu akkerliussutinik pisariaqaanngitsumik kinguarsarneqannginniassammata.

Aamma uagut naliliinerput malillugu tamanna naammagittaalliuuteqartarfimmik assigisaanilluunniit

pilersitsinermi pitsaanerujussuarmik aaqqiinerusinnaavoq. Tamatumunnga taamatut imminut isumagisumik misiliisinnaatitaaneq "silaannarissarfittut" atorneqarsinnaanera ilanngunneqassaaq, tamatumani aalajangernerit eqqortuunersut isummerfigineqarlutik, soorluttaaq inatsisip akuersissutigineqarnerani naatsorsuutigineqartoq sinnerlugu atorunnaarsitsinissamik aalajangiisoqannginnissaa naalatsitsiniarnertut sunniuteqarsinnaanera qulakkeerneqarsinnaasoq, tamannalu matuma ataani sukumiinerusumik nassuiarneqarpoq.

4. INATSISSATUT SIUNNERSUUMMI PIGINEQARTUMI PISSUTSIT PIVIUSUT SUUPPAT?

Inatsisissatut siunnersuummi § 7 A imatut ippoq:

§ 7a. "Kommunip pisussaaffiik innuttaasulluunniit pisinnaatitaaffiik annertuumik sumiginnaasoqarpat kommunip isumaginnermi malittarisassanik aqutsinera Naalackersuisunit atorunnaarsillugu aalajangerneqarsinnaavoq.

Imm. 2. Piffissaq aalajangersimasoq sioqqullugu imaluunniit manna tikillugu atorunnaarsitsinissamik aalajangiisoqarsinnaavoq.

Imm. 3. Atorunnaarsitsinissaq pillugu aalajangernermi isumaginninnermi malittarisassat tamaasa ilaannaaluunniit atorunnaarsinneqarsinnaapput, tassunga ilanngullugit isumaginninnermi malittarisassani suliassaqrarfiit sukumiinerusumik suliassaqrarfittut aalajangiiffigineqarsimasut."

§ 7 a, imm. 3-mi aalajangersakkani oqaaseqatigiit assigiinngitsorujussuunerat soqutiginaateqarpoq, tamatuma kingorna Naalackersuisut isumaginnittoqarfimmik piareersarlunilu sulinermik tamakkiisumik pisinnaatitaaffimmik tigusiniarlutik aalajangersinnaapput, tamatumani inatsisissatut siunnersuut suliassaqrarfimmi tamatumani Naalackersuisut killilerujussuarmik pisinnaatitaaffeqartinneqarnissaat taamaallaat siunertaasoq arlaleriarlugu aalajangiusimaneqartarpoq. Malittarisassani pissutsit piviusut suunerat matuma ataani immikkoortuni 4.1 – 4.3-ni apeqqutinut tunngatillugu allaaserineqarput.

Tamakkununga inatsisissatut siunnersuut annertunerusumik assersuutigalugu meeqqat inuusuttuaqqallu atugarliortut pillugit suliassani aalajangiinerit pillugit atorneqarnerusartussatut arlaleriarlugit oqaatigineqartarnera ilanngunneqassaaq, tassunga ilanngullugit assersuutigalugu meeqqat tamakku pisariaqartitsineq naapertorlugu angerlarsimaffimmit pinngitsaaliissummik peersinneqarnissaat. Kisiannili pinngitsaaliilluni angerlarsimaffimmit peersinitsinissamik aalajangiinerni illua´tungiliuttut arlaliusussapput aamma sakkortooujussuarmik aalajangiinerit pineqarput. Taamaattumik immaqa angajoqqaat inuuneranni tamanna, immaqaluunniimmi angajoqqaat inunneranni tamarmi, ullortut taarnersaasutut oqaatigineqarsinnaavoq. Tassani pisussaaffigalugu naliliineq pillugu piumasaqaatit suli sakkortuujupput aamma tassani naliliinerup malittarisassanut ilanngunneqarnissaa inerteqqutaassaaq.

Naliliinerup malittarisassanut ilanngunneqarnissaanut inerteqqutip taassuma malitsigisaanik, taanna suliassani illua´tungiliuttut eqqarsaatigineqarluarnissaannik tunngavilersorneqartoq, tassunga ilanngullugit minnerunngitsumillu meeqqat, angajoqqaat allat ilaqquttat qanigisat eqqarsaatigalugit, Naalackersuisut suliassani aalajangersimasuni aalajangiinerni malittarisassanik pituttuisuusunik aalajangersaasinnaanerat takorluussallugu piviusorsiorpalaanngereerpoq,

Tamanna pissutigalugu § 7 b, imm. 1, inatsisissatut siunnersuummit peerneqarnissaasiunnersuutigaarput. Kommunip suliassa qarfiini isumaginninnermi suliassani aalajangersimasuni Naalakkersuisut aalajangiiniarlutik aalajangerpata Naalakkersuisut suliassani ataasiakkaani tigussaasunik inuillu ataasiakkaat pillugit isummernissaat piumasaqaatigineqartariaqassaaq.

Tamakkununga inatsisissatut siunnersuummik akuersissuteqarnermi Naalakkersuisut "suliassanik assersuutigalugu meeqqat inuusuttuaqqallu atugarliortut pillugit oqaluuserinninnissaminnut aalajangiinnissaminnullu ingerlaannaq inatsisitigut tunngavissaqalernissaat" pingaaruteqarlunnarpoq. "

Suliassani taamatut ittuni ingerlaannaq aalajangiisarnerit nalinginnaasumik pineqarneq ajorput. Kommunimut tusarniaasoqareerpat aamma sukumiisumik sularinnittoqareerpat aatsaat atorunnaarsitsinissaq pillugu aalajangiisoqartassaaq aamma aalajangerneq tamanna aatsaat sunniuteqalerpat suliassani aalajangersimasuni Naalakkersuisut suliassanik sularinnillutik aallartissinnaapput. Aamma tusarniaanermik sukumiinerusumillu misissueqqaarani meeqqanik pinngitsaaliilluni angerlarsimaffimmit peersitsinissamik aalajangiisoqarsinnaanera nalinginnaasumik takorloorneqarsinnaanngilarluunniit, U.2003.770.Ø-mi nunaatilik pillugu assersuut takuuk. Taamaattumik Naalakkersuisut suliassani taamatut ittuni suliassanik pisariaqartinneqartunik sukumiisumillu sularinninnissamut naapeqatigiiffeqarsinnaanngillat tamannalu aamma politikikkut maannakkorpiaq iliuseqarnissaq pillugu piumasaqaateqartoqariataarsinnaaneranut soorunalumi atuuppoq.

Tamakkununga pituttuisumik malittarissatut eqqarsaatersuutigineqartut nalunaarutitut isikkoqaleriataarsinnaanerat eqqarsarnartortalerujussuusoq ilanngunneqassaaq, isumaginninnermut inatsimmi suliassa qarfinni ataasiakkaani, tassunga ilanngullugit pinngitsaaliisummik angerlarsimaffinnit peersitsisarnerit, taamatut suliassa qarfinni ataasiakkaani immikkuualuttunik aallaffissornikkut aalajangersaanissamut oqartussaaitaaneq ilanngunneqarsimanera eqqaassanngikkaanni. Ajornartorsiut taanna pillugu isummersimannginneq imminik immikkut ittunik isumaqatigiinngissinnaanernut pissutissiisinnaavoq.

4.1 INATSISSATUT SIUNNERSUUT PILLUGU IMMIKKUT ITTUMIK NASSUIAATIT, TUSARNIAASSUTITUT ALLAKKIAQ IL.IL.

Inatsimmut nassuiaatini aamma tusarniaassutitut allakkiami ilaatigut tullinguuttut makku aallaavigineqarput:

"Atorunnaarsitsinissamik aalajangerneq akuttusuumik pisartutut isikkoqalissaaq aamma tigussaasunik tunngavilersorneqassaaq. Maannakkumut killiliussassanik aallartinnissanillu ersarissumik allaaserinnittoqarsinnaanngilaq.

Atorunnaarsitsinissamik aalajangertoqarsinnaanerani suliassat qanoq ittut imaluunniit suliassat tigussaasut sorliit aalajangernermut ilaatinneqarnersut isummerfigineqarumaarput. Siunnersuummi illoqarfimmi nunaqarfimmiluunniit aalajangersimasumi meeqqanik inuusuttuaqqanillu ikiorsiinissaq pillugu nukinginnartunik sulilu naammassineqanngitsunik aqutsinernik atorunnaarsitsinissaq pingaarnertut atorineqassaaq.

Atorunnaarsitsinissamik aalajangerneq piviusumik kommunimi isumaginninnermi malittarisassat naapertorlugit kommunip pisinnaatitaaffii ataatsimut isigalugit Naalakkersuisunit tiguneqarnissaannik kinguneqassasoq erseqqissaatigineqassaaq."

"Kommunimi isumaginninnermi malittarisassanik aqutsinerup atorunnaarsinneqarnissaa pillugu Naalakkersuisut aalajangernerannut immikkut ittumik naammagittaalliortarfissamik pilersitsinissamut suli tunngavissaqartoqanngilaq.

Tamatumani atorunnaarsitsinissamik aalajangeriataarsinnaaneq qaqtuguinnaq pisartutut isikkoqalernissaa pingaartinneqarpoq. Kommunip isumaginninnermi malittarisassanik aqutsineranik atorunnaarsitsineq pillugu immikkut ittunik oqartussaasunik, ilisimasanik suleriaatsinilluunniit piorsaanissanut tunngavissaqanngilaq piorsaanissamilluunniit pisariaqartitsisoqanngilaq.

Aammattaaq kommunip pisussaaffiinik innuttaasulluunniit pisinnaatitaaffiannik annertuumik sumiginnaasoqarnerani atorunnaarsitsinissamik aalajangerneq kingullersaasutut ilanngunneqarnissaa pingaartinneqarpoq. Kommunimik attorneqartumik siumoortumik oqaloqatiginnittoqareerpat aamma kommunip pisussaaffimminik imaluunniit innuttaasut pisinnaatitaaffiinik annertuumik sumiginnaasoqarsimaneranut uppernarsaatit tunngavigalugit atorunnaarsitsinissamik aalajangerneq ilanngunneqassasoq pingaartinneqarpoq."

Uani aalajangersakkani oqaaseqatigiit takuneqarsinnaapput tamatumalu kingorna kommunip pisussaaffini annertuumik sumiginnarsimappagit Naalakkersuisut kommunip aqutsineranik atorunnaarsitsinissaapput.

Kommunimi inatsisit malinneqartussaasut qularutigineqanngilaq, kisiannili assersuutigalugu Danmarkimi Naammagittaalliuteqarnissamut Aqutsisoqarfimmi isumaginninnermi suliassat ilaanni misissuineri kommunit pillugit tigussaasunik aalajangerit affaat sinnerlugit kukkunerusimasut paasinarsivoq. Taamaalilluni suliassaqarfimmi tassani kukkusoqannginnissaanik naatsorsuuteqarnissaq piviusumik ajornakusoortorujussusoq paasinarsivoq.

Aamma tamanna tunngavigalugu qanorluunniit pisoqaraluarpat malittarisassanut mianersortumik atuisoqartariaqarpoq, tamannalumi aamma malittarisassani siunertarineqartoq ilimanarpoq, tassa aalajangersaaneq suliaqarnissamut piareersarnermi oqaatigineqartoq kisimi ilanngunneqassappat.

Inatsisissat siunnersuumioqaasertaliunneqartut malittarisassani paasisutissanut, suliarinneqqaarnerni takuneqarsinnaasunut naapertuuttuunissaa siunnersuutigineqarpoq.

4.2 INATSISSINIK SUMIISSUSERSIUMMIK TAANEQARTARTOQ AAMMA INATSISSILIORTUT SULIASSAQARFIMMI SAKKORTOORUJUSSUARMIK AALAJANGIIFFIGINEQARTUSSATUT EQQARSAATERSUUTIGINEQARTUMI EQQQQISSAARTUNIK INATSISSILIORTUSSAANERAT IMMIKKUT SAMMILLUGIT

Soorlu matuma qulaani immikkoortoq 4.1-mi piareersarluni sulinermi issuaanerni allassimareersumi maannakkut ersarissunik killiliinernik aallartinnissanillu allaaserinnittoqarsinnaangilaq, taamaattumik inatsisissatut siunnersuut tigussaasuunngilaq. Taamatut aalajangernaveersaarneq tamatumalu malitsigisaanik malittarisassani ersarissaaneq tusarniaassutitut allakkiami apeqqutinik akissutinillu tullinnguuttunik pilersitsivoq:

"Imm. 3-mut

Taamatut suliassanik suliarinnittarnerni isumaginninnermi malittarisassat arlallit imminnut ataqtigiiillutik pisoqarsinnaasartoq oqaatigineqassaaq, tassa inatsit aalajangersimasooq ataaseq naapertorlugu kommunip pisinnaatitaaffiinik atorunnaarsitsinissaaq ajornassaaq.

Akissutit

Isumaqaataavunga. Taamaattumik aamma oqaaseqatigiit tulluarnerusut atornerqarput; "isumaginninnermi inatsisit."

Naalackersuisut kommunip suliassaqarfimmi piginnaatitaaffiinik sumiginnaassagunik minnerpaatut suliassaqarfiup qanoq aqunneqarnissaa pillugu Naalackersuisut ersarissumik siunertaqarnissaat piunasaqaataasariaqarpoq.

Tamakkununga inatsisissatut siunnersuutip imarisai ilanngunneqartariaqarput, tassa kommunimi ataatsimi Naalackersuisut namminneq naliliinerat malillugu taamanikkut tamanna pillugu inatsisitigut tunngavissaqartoqarsimagaluarpat Naalackersuisut iluaqutaasumik akuliussimassagaluarput.

Suliassaqarfimmi taama akerleriiffiutigisumi paasiuminaassutsip taamatut ittup, soorlu inatsisissatut siunnersuummut tunngasut, eqqartuussiviit akuutinngit ersarissumik akineqarsinnaanginnerat ilimagineqartariaqassaaq aammami pisortat oqartussaasut innuttaasunik sullissinatik (tamakkiisumik) taamatut imminnut eqqartuussivimmi akerleriittarnerat ileqquunngilaq.

Taamaattumik aamma suliassani kingusinnerusuniittuni taamatut paasiuminaalliortitsinerit naalagaaffimmut ajoqutaasarsimaneranik assersuutissarpassuaqarpoq. U 2016.1805 H-mi inatsisit marluusut akornanni pissutsit inatsisini piareersarluniluunniit sulinerni eqqartorneqarsimanginnerat Højesteret-imit pingaartinneqarpoq, tamannalu naalagaaffimmut ajoqutaavoq. Nunaatilik pillugu suliassami (U 2003.770 0) nunami eqqartuussivimmi imatut oqaaseqatigiiliortoqarpoq:

"Nunap eqqartuussiviani tunngavilersuutit angusallu:

Pilersaarusernermut aqutsisoqarfimmi 1998-imi decembarip ulluisa 23-anni G-ip akuersissutaataanik utertitsinissamik aalajangernera sakkortooujussuarmik akulerunneruvoq. Taamatut akulerunnissamat uppersarsaateqarnissaq sakkortuumik piumasaqaatigineqartariaqarpoq, tassunga ilanngullugu utertitsineq naammaginnartumik annikinnerusumillu iliuuseqarluni akulerunnermik taarserneqarsinnaagaluarpoq. Tassunga ilanngullugu tunisassiat toqunartortaqaangitsut pillugit sukumiinerusumik piumasaqaatit Pilersaarusernermut aqutsisoqarfimmi aalajangernermut tunngavigineqartut malittarisassani ersarissumik oqaatigineqarsimanginnerat pingaartinneqartariaqarpoq, kisiannili tamanna missingiinnermik tunngaveqarnerusimavoq. "

Taamaattumik Naalakkersuisutsuliassamit Danmarkimi Avatangiisinut ministeriaqarfimmi naammassineqangajalersumit isummorsorlutik inatsisinut sumiissusersiummik suliqaarnissaat siunnersuutigaarput, taamaalilluni kommune isumaginninnermut suliassaqarfimmi iliuuseqartussaataitanersoq aamma taamatut pisinnaatitaaffimminik arsaarneqassaguni qanoq pisoqartariaqarnerasoq ersarinnerujussuarmik aallaaserineqarsinnaangorlugu aamma taamaalilluni malittarisassani ataqatigiittoqalerluni, tassa malittarisassani assigiinngitsuni ataqatigiinnerit nassuiarniarlugit nukippassuit atorineqartariaqassanngimmata.

Qanorluunniilli pisoqaraluarpat maannakkut inatsisissatut siunnersuut ima ersernerlutsigisumik oqaaseqatigiiliorneqarsimavoq allaat eqqartuussivimmi suliakkiissutissarpassuanngorsinnaallutik.

Tamannaannarlumi pissutigalugu ajornanginnerusumik takujuminarnerusumillu angusat taakkorpiat anguneqaqqissinnaanerat eqqarsaatigissallugu tunngavissaqarpoq, matuma ataani immikkoortoq 7-imi tamanna pillugu allaaserisaq aamma takuuk.

4.3. ERSARISSAANGINNERUP KINGUNERISAANIK NASSUIAANEQ PILLUGU

ISUMAQATIGIINNGITSOQARSINNAANERANIK ASSERSUUT

Eqqartuussissuserisoq Karsten Hagel-Sørensen 2016-imi marsip ulluisa 29-anni inatsisip atuuffissaa pillugu quppernerit arfineq-pingajuanni imatut allappoq:

"Naliliinerput naapertorlugu atorunnaarsitsinissamik Naalakkersuisut aalajangernerat kommunip inatsisunik unioqqutitsilluni suliarinninnera pissutaalluni innuttaasut atugarliortut ajornartorsiuteqarnerannik tamatigut paasisaqartoqarariaqarpoq ... "

Suliassanik sivisuumik suliarinnineq imaluunniit kukkusumik pingaarnersuineq innuttaasunut aamma ajortup tungaanut sunniuteqarsinnaapput, kisianni apeqqutit tamakku nalinginnaasumik inatsisit atuuttut ilaanniingitsut aalajangersimasumik isumaqartoqarpoq.

Taamaalilluni tamanna pillugu ombudsmandi aalajangersimasumik periuseqarpoq, tamatuma kingorna kommunimi sivisuallaamik suliassamik suliarinnineq Ingerlatsivimmi pitsaasumik ingerlatsinissamut tunngavinnut akerliusutut isigineqassaaq (inatsisinit atuuttunik allaaneruvoq), kisianni inatsimmik malinnissarpiaq pillugu apeqqutaanngilaq. Kisiannili pisortat kinguaattoortitsinerannik taaneqartartoq imaluunniit allatut pissaanermik sangutitsineq pineqarpat, tamatumunnga suliassaq Tamilinut tunngasoq assersuutitsialaavoq, allatut pisoqassaaq, kisiannili tamakku qaqutiguinnaq pisartutut ersarissumik isigineqartariaqarpoq aamma uatsinnut paasissutissiissutigineqartutut tamanna Kalaallit Nunaanni kommunit eqqarsaatigalugit qaqutiguinnaq atorneqarsinnaanersoq.

§ 7 a, imm. 1 pillugu nassuiaatini pissutsit pingaaruteqartut ilaatigut imatut allaaserineqarput:

"Assersuutigalugu isumaginninnermi suliassanik nukinginnartunik amerlasuunik suliarinnittannginnerit ingerlatitseqqinngittarnerillu malitsigisaannik annertuumik sumiginnaasoqartarpoq.

Annertuumik sumiginnaanerit assersuutigalugu meeqqat peqqissusiannik ineriartornerannullu navianartumik inuusut imaluunniit meeqqat ikiortariaqartut pillugit kommunimut nalunaaruteqartannginnerit pissutaasinnaapput.

Aamma Isumaginninnermi Naammagittaalliuteqartarfimmi kommunimit aalajangersimasuit suliassanik naammagittaalliutunik immikkut ittumik amerlasuunik tigusaqartoqartillugu aamma suliassani Isumaginninnermi Naammagittaalliuteqarfimmi innuttaasunut iluaqutaasumik aalajangiisoqarsimatillugu aamma annertuumik sumiginnaasoqarsinnaavoq.

Aammattaaq allaffissornermi sulisut isumaginninnermilu siunnersortit amerlassusiannik aalajangersaanerit allatulluunniit isumaginninnermi malittarisassanit kommunimi ingerlatsinermut aningaasaliissutinik aqutsinerit suliassavinnut naapertuutinnigippata annertuumik sumiginnaasoqarsinnaavoq. Tamanna assersuutigalugu isumaginninnermi siunnersortit ataasiakkaat isumaginninnermi suliassanik immikkut ittumik amerlavallaanut akisussaalerannik kinguneqarsinnaavoq taamaalillutillu suliassat tamakku allat pilliutigalugit pingaarnersiorneqartariaqartarlutik."

Immikkut ittumik isigalugu assersuutit siulleq sisamaallu immineq inatsisinik unioqutitsinermut kommune imminut pisuutissanngilaq,

Kommuneinatsisinik unioqutitsisimappat, inatsisip inaarutaasumik akuerineqannginnerani, atorunnaarsitsineq kisimi pineqarnersoq ersarissumik isummertoqassasoq siunnersuutigaarput.

5. INUIT PAASISSUTISSAATAAT PILLUGIT INATSISITIGUT EQQARSAATERSUUTIT AAMMA NIPANGIUSSISIMASUSSAATITAANEQ PILLUGU EQQARSAATIGINNINNERIT IMMIKKUT ITTUMIK

Naalakkersuisut kommunit aqutsinerisa ataniissanngitsut aalajangersarneqarpoq, kisianni Naalakkersuisut kommunimi sulisut ilaannut attuumassuteqartunut tigussaasunik ilitsersuisarnissaminut namminneerlutik iliuseqassapput periarfissaqarlutillu.

Kommunimi suliassanik sularinnittarnernut atortut elektroniskiusut paasissutissanik misikkarinnarnerpaatut takorloorsinnasatsinnik imaqarput.

Inuit paasissutissaataat pillugit inatsitigut kingunerisassanik misissueqqissaarinnermi nalinginnaasumi atortut tamakku pitsaalluinnartuussasut qularutissaanngilaq.

Kisiannili inatsimmi § 7 f, imm. 3-mi nalunaarut paasiuminaatsoq allanneqarsimavoq, tassalu Naalakkersuisut kommunitulli qarasaasianut atortunut isersinnaasut taamaallaat allassimavoq".

Tassunga innersuussinnermi Naalakkersuisut sulisui kommunimi sulisutulli qarasaasianut isersinnaanerit eqqarsaatigineqarpat aallaqqaammut tamanna isumaqartutut isigineqarsinnaavoq, kisianni taamatut nassuiaaneq imaappoq; kommunimi sulisut aqutsisut ilitsersuisarnerannik malinnittussaapput aamma Naalakkersuisut sulisui kommunimi aqutsisut ilitsersuutaannik malinnittussaangitsut tunngavigaarput.

Inuit paasissutissaataat pillugit inatsimmi § 41, imm. 3, 2016-imi maajip ulluisa 26-anni oqaluuserineqarpoq

26. Unioqqutitsilluni siunertarinngisamilluunniit paasissutissanik piujunnaarsitsinerit, ajorseriartitsinerit, kiisalu susassaqaanngitsunit paasineqarnissaat, atornerlunneqarnissaat allatigulluunniit paasissutissanik inunnut tunngasunik unioqqutitsilluni suliarinninnerit pinngitsoorniarlugit paasissutissanik suliarinnittup teknikkikkut aaqqissugaanikkullu isumannaallisaasernerit pisariallit aalajangernikuuai. "

Kommunimi qarasaasiamut isertussaataitanerit nakkutilliinerit ilaat tunngavigineqarnerusoq imaappoq, qarasaasiani atortut qanoq atorneqassanersut kommunimit atuisartunut tamanut ilitersuussutigineqassasut. Tassunga ilanngullugu assersuutigalugu isumannaallisaaneq pillugu nalunaarummi § 11 aamma § 12-imi Danmarkimi pisortatut oqartussaasunut atuuttumi nalunaarut nr 528, 15. juuni 2000-imeersumi akuersissutit qarasaasiamullu isersinnaanermut nakkutilliineq pillugit malittarisassani imatut allassimasoqarpoq:

"Akuersissutit qarasaasiamullu isersinnaanernut nakkutilliinerit

§ 11

Inuit tassunga taamaallaat akuersissutaatillit inuit pillugit paasissutissanut suliarineqartut isersinnaapput.

Imm 2. Inuit inuit pillugit paasissutissanik suliarinninnissamik siunertaqarlutik suliaqartullu taamaallaat akuersissumik tunineqarsinnaapput, atuisartut ataasiakkaat pisariaqartinngisaannut atugassanik akuersissutinik tunineqassanngillat.

Imm 3. Aammattaaq inuit kukkunersiuinissaq imaluunniit ingerlatsinerni teknikkikkullu atortuni suliassanik suliaqarnissartik siunertarlugu paasissutissanut isernissaannut akuersissummik tunineqassapput.

§ 12 .

Atuisartut akuerisaanikut kisimik isersinnaanissaat qulakkeerniarlugu aamma tamakku inuit pillugit paasissutissanut aamma akuersissutigineqarfimminnut atugassaminnut taamaallaat isersinnaasunorlugit qanoq iliuuseqartoqassaaq. "

Taamaattumik kommunip paasissutissat Naalakkersuisunut nuussinnaavai tamatumalu kingorna taakku paasissutissanut akisussaaffeqalissapput, Danmarkimi periuseq eqqartuussissuserisup Karsten Hagel-Sørensenip 2016-imi marsip ulluisa 29-anni allakkiaani quppernerit sisamaanni allaaserineqartoq, imaluunniit tamatumani nutaamik naliliinerpullu malillugu paasissutissat isumannaallisarneqarnerannik suliassaqarfimmi ajornakusoortorujussuarmik aaqqissuisoqartariaqassaaq, tamannalu immikkut ittumik inatsisitigut tunngavissaqartariaqarpoq.

Naak inuit paasissutissaataat pillugit inatsit pisortatigoortumik suli atuuttussanngortinneqanngikkaluartooq matuma qulaani piumasaqaatit aamma kommunip innuttaasut pillugit paasissutissaataannut misikkarinnartunut eqqarsaatiginnittussaataitanera paarsisussaataitaneralu atuupput, nipangiussimasussaataitaneeq pillugu malittarisassat aamma takukkit. Taamaattumik ajornartorsiummik taassuma aaqqiisoqartariaqarpoq, tassunga ilanngullugu tassunga tunngatillugu akuersissutit qarasaasiamullu isersinnaanernut nakkutilliinerit pillugit malittarisassat atorunnaarsinneqassanersut imaluunniit kommunimi aqutsisut tassunga tunngatillugu Naalakkersuisuni sulisunut ilitersuisussaataitanersooq nalilersorneqassaaq.

Maannakkumuugallartooq ilanngussat tullinguuttut makku Naalakkersuisut maannamuugallartooq apeqqummut isiginninnerat pillugu ilanngussaq pigineqarpoq:

"Sulianik ilisimasaqassuseq aamma ingasattajaannginnissaq pillugu nalinginnaasumik tunngaviit malitsigisaannik Naalakkersuisut suliassanik atorunnaarsitsinissaq pillugu aalajangernermik ilaqartut isumaginissaannut Naalakkersuisut naliliinerat malillugu isersinnaanissaq taamaallaat qinnuteqaatigineqassaaq. Siunnersuummi § 7 f tamatigoortorujussuarmik oqaaseqatigiilliorneqarsimavoq, tassami atorunnaarsitsinissaq pillugu kingusinnerusukkut aalajangertoqarnerani pisariaqartitat siumut killilerneqarsinnaanngimmata."

Taamaattumik inatsisissatut siunnersuummi inuit paasissutissaataat pillugit inatsimmi apeqqutit sukkuulluunniit eqqarsaatigineqarsimanngillat, tassunga ilanngullugu Naalakkersuisuni sulisoq nunaqarfimmit suliassanut nukinginnartunut taamaallaat isersinnaatitaanera suliassanulli allanut tamanut isersinnaatitaanani, qanoq qulakkeerneqassanersooq, tamanna atorunnaarsitsineq pillugu aalajangernerup malitsigippagu.

Aammattaaq immikkoortoq 7-imi ataatsimoortumik aaqqiissuteqarnissamut periarfissat pillugit oqaatigineqartut innersuusutigineqarsinnaapput.

6. SULISUT IMMIKKUT EQQARSAATIGINEQARNERAT IMMIKKUT

Inatsisissatut siunnersuummi sulisitsisutut akisussaaffimmik aqutsisussaataitanermillu agguataarineq naammattumik isummerfigineqarsimanngilaq.

Tamatumunnga kommunit aqunneqarnerat pillugu inatsimmi Aningaasaqarnermut Ataatsimiititaaq sulisunik aqutsinermut akisussaasuusoq ilanngunneqassaaq aamma akissaaffik taanna sulisunut ulloq naallugu suliassaqarfimmi atorunnaarsinneqarsimasumi Naalakkersuisunit sulisumit ilitersorneqarluni qanoq ililluni nammassinnaaneraa isummerfigineqarsimarpasinnigilaq.

Paasissutissiissutigineqartut naapertorlugit suliassaqarfinni sulisut pingaarutillit pisariaqartitaat nalinginnaasumik kommunimi aqutsisunit eqqumaffigineqartorujussuupput, tamatumani assersuutigalugu sulisussarsiorluni ajornartorsiuteqarfiusumi, tassami pissutsit naapertorlugit soraarsitsinerit eqqarsaatigalugit kommune qajannartorujussuusinnammat.

Tamatumani amerlanerusunik allatut agguataarisoqartariaqassappat aqutsisut sulisullu nalinginnaasumik annertuumik eqqartueqatigiittoqassaaq.

Atorunnaarsitsinermi kommunimi aqutsisut qanoq iliuuseqassasut eqqarsaatigineqarsimanerat takussutissartaqangilaq.

Aamma assersuutigalugu kommunimi sulisut ilaat oqarpat Naalakkersuisuni sulisumit tamatumunnga pisariaqangitsumik tunngavissaqangitsumillu pinngitsaaliilluni angerlarsimaffimmit peersitsinissaq pillugu inatsisunik ersarissumik unioqqutitsilluni peqquisimaneraappat aqutsisut sulisulluunniit qanoq qisuariassasut eqqarsaatigineqarsimanngilaq. Aamma imaassinnaavoq, suliassarpassuit qaleriaat innersuusutigalugit, angerlarsimaffimmini sulinani unnukkut sapaatillu akunnerisa naaneranni suleqquneqartartoq aamma sulisut ataasiakkaat tamanna pillugu aqutsisuminnik oqaloqatiginninnissaminnut pisariaqartitseriataartut. Aamma sulisumik suliassaqarfimmi atorunnaarsinneqarsimasumi suliassanik taamaallaat sularinnittup ineriartortinneqarnissaa pillugu kimit oqaloqateqassanersoq aamma kinguaassiutitigut pissusissaanngitsumik pissusilersorneraasutut unnerluussineq qanoq sularineqassanersoq apeqqutinngortinneqarsinnaapput.

Piareersarluni suliaqarnerni tullingguuttut makkuupput:

"Kommunimi Isumaginninnermut Ingerlatsivimmi imaluunniit assersuutigalugu suliassani meeqqanik inuusuttuaqqanillu atugarliortunik ingerlaannaq sularinninnissamut aalajangiinissamullu suliassaqarfiusumi tunngavissiiinissamut allatut agguataarisoqariataarsinnaasarpooq."

Kisiannili pissutsit immikkut ittut pissutigalugit atorunnaarsitsineq atorfinitsitsinnaatitaanerni ajornartorsiutinngorsinnaanera qularnaatsumik itigartitsissutigineqarsinnaanngilaq, tassunga ilanngullugu assersuutigalugu isumaginnittoqarfimmi tjenestemanditut atorfeqarluni aqutsisoq atorunnaarsitsinerup malitsigisaanik aqutassaruttoq, tassami taamatut allanguineq naammagittarsinnaassutsip avaterujussuaniittussaammat, aamma assersuutigalugu U 1996.624 H-mi aamma U 2013.803/2.H-mi naammagittarsinnaassutsip killinga pillugu oqaatigineqartut takukkit.

Taamaalilluni ataatsimut isigalugu sulisoqarnermut tunngasuni suli iluarsineqanngitsunik arlalinnik peqartoqarpoq, tamakkulu inatsisissatut siunnersuutip pigineqartut inaarutaasumik akuersissutigineqannginnerani isummerfigineqartariaqarput.

7. AJORNAANNERUJUSSUARMIK TUNULIAQUTAQARLUNI NAALAKKERSUISUT ILIUUSISSATUT PERIARFISSAANNIK ASSINGANIK TUNINEQARSINNAAPPUT

Eqqartuussissuserisup Karsten Hagel-Sørensenip 2016-imi marsip ulluisa 29-anni oqaaseqaasionermini allappaa qupperneq 6-imi, Danmarkimi iluarsissutissat atorluarsinnaasut assersuusiaralugit, tassanilu pissutsit malillugit naalagaaffimmit sulianut sukumiisunut tunngatillugu aalajangiisinnaallutik, assersuutigalugu. isumaginninnermut pilersaarusiornermullu tunngatillugu oqartussaqaarfimmi siullermi (call In).

Naliliinerput naapertorlugu periuseq taama ittoq kommunimi pisussaaffimmut siammartikkamut ilanngunneqarsinnaasoq ilaatigut suliat pineqartut aalajangiiffigisarnissaannut piareersarnissaannut Naalakkersuisut ikorfartorneqarsinnaammata, matumani atorunnaarsitsisarnermik periuseqarnertut siunnersuutigineqartooq pinnagu ersarissuunissaq pilerinarnerutinneqarluni.

Naliliinerput naapertorlugu call Initut periuseq anguniakkat anguniarnissaannut aamma atorneqarsinnaapput, tassami inatsimmi matumani tamanna allaaserineqartutut siunertarineqarmat, soorlu inatsisissatut siunnersuut akkerliiffiuallaanngitsutut isikkoqartinneqassasoq.

Taamatut periuseqarnermi susassaqaarfimmi matumani akkerliissutissat annikinnerussapput, soorluttaaq aqutsinikkut inunnut paasissutissanut tunngatillugu taamaattoqqissaaq unaminartoqassanngitsoq, matumanilu inatsisissatut siunnersuummi matumani pineqartumut sanilliullugu qulaani allanneqartut eqqarsaatigalugit.

København, maajip 24-at 2016
Anders Valentiner-Branth